



Communicaziun allas medias dils 19 da mars 2007



Surselva - cun vast horizont egl avegnir!

2. Forum Surselva ils 23 da november 2007 ella basa dall'Air Grischa a Tavanasa

Surselva - cun vast horizont egl avegnir! - Sut quei tetel organisescha la giuvna combra d'economia Surselva ed il post per la promoziun dall'economia dalla Regiun Surselva il 2. Forum Surselva. Il 2. Forum Surselva ha liug ils 23 da november 2007 ella basa dall'Air Grischa a Tavanasa.

Igl onn 2006 ha la giuvna combra d'economia Surselva ed il post per la promoziun dall'economia dalla Regiun Surselva organisau igl 1. Forum Surselva. Nus havein astgau beneventar bunamein 200 participontas e participonts. Il Forum Surselva ei ina plattafuorma per interprendiders (era per purs), persunas da cader, politichers ed interessai ord la Surselva. Cheu duein actualitads vegni tematisadas, patratgs vegni brattai ora, visiuns svilupadas, ideas lantschadas e reits ella ed ordvart la Surselva vegni creadas.

Surselva - cun vast horizont egl avegnir!

Era la Surselva ei part dalla globalisaziun e senta tut ils avantatgs e disavantatgs da quei svilup. Il cumbat da concurrenza ha liug oz sin plaun internaziunal e buca mo pli enteifer la regiun. Ord quei motiv sefatschenta il 2. Forum Surselva cun il tema "Surselva - cun vast horizont egl avegnir!". Cun quei tema duei vegnir mussau allas participontas ed als participonts con impurtont ch'igl ei da mirar en tut las direcziuns sur ils cunfins dalla regiun ora e da patertgar en pli grondas dimensiuns. Oravontut duein novas vias ell'inovaziun vegni mussadas, schanzas ella fiera vegni scuvidas, systems da creaziun da valor sviluppai e novas cooperaziuns vegni mussadas. Il program detagliu dil 2. Forum Surselva vegn elavuraus el mument.

Organisaziun Forum Surselva Gjuvna combra d'economia Surselva

- . Fabia Caduff, Sursaissa
- . Flurina Caveng, Glion
- . Arno Caviezel, Falera
- . Tarcisi Cavigelli, Disentis/Mustér
- . Giusep Coray, Laax
- . Clau Degonda, Cumpadials
- . Marcellino Giger, Sedrun
- . Enrico Mazzetta, Trun
- . Iso Mazzetta, Disentis/Mustér
- . Ernst Sax, Sursaissa

Regiun Surselva

- . Pieder Vincenz, post per la promoziun dall'economia

Remarca alla redacziun

Per ulteriuras damondas stat a Vus Pieder Vincenz, post per la promoziun dall'economia, Regiun Surselva, Via Centrala 4, 7130 Glion, tel 081 920 02 40, pieder@surselva.ch, bugen a disposiziun.

Ulteriuras informaziuns tier il Forum Surselva anfleis Vus era sut www.forumsurselva.ch.